

fuit juvenis honestus et acutus. Ejus tabulas ad opus pertinentes concinnas de Insectis vidit Gronovius et laudat.

Cum ante mensem eram ad Aulam, deposui libras apud D. Grill pro tuis libris, quas promisit mox missurum ad D. Holm, à *Cette*, uti inclusa syngrapha indicat, quam tradas D. Holm, qui mox pecunias numerabit.

In hisce terris nihil novi. Avidè expecto frondescentiam. Utinàm velles observare quandò arbores tuæ, quæ ejusdem speciei sunt cum nostratibus sylvestribus, incipiunt folia promere prima!

Rogerus professionem Botanicæ reseravit : lacescit ex patre filius.

Vivas felix cum dulcissimâ familiâ, et uxore, et liberis suavissimis, quibus meam dicas devotissimam salutem.

Dabam Upsaliæ, 1755, 20 Martii.

---